

Ilagiinni atorfinititsisarnerit pillugit Inatsisartut peqquussutaat

Kalaallit Nunaanni llageeqarneq pillugu inatsimmi nr. 264-imi 6. maj 1993-imeersumi § 5 tunngavigalugu makku aalajangersarneqarput:

Kapitali 1.

Atorfinititsinermi piumasaqaataasut

Palasitut provtitullu atorfitt

§ 1. Ilagiinni kalaallini palasitut atorfinni atorfinititsinneqarsinnaapput:

- 1) inuit Ilisimatusarfimmi upperisarsiornermi bachelorgradimik angusisimasut imaluunniit danskit universitetianni upperisarsiornermik kandidatitut soraarummeersimasut aamma pastoralseminariumimi ilinniartitaanermik naammassinnissimasut,
- 2) inuit imatut ilinniagaqarsimasut piginnaassutsinut tunngatillugu Ilinniarfissuarmi ilinniartitsisutut ilinniartitaanermut naleqqunneqarsinnaasumik ilinniagallit, tamatumalu saniatigut kristumiutut upperisarsiornermik annertunerusumik ilinniagaqarsimasut malittarisassat Naalakkersuisut aalajangersagaat malillugit aamma
- 3) inuit palasiusimasut imaluunniit ilagiinni danskini palasiunissamut piumasaqaatinik naammassinnissimasut.

Imm. 2. Palasit ilagiinnut danskinut ilaasortaassapput.

Imm. 3. Aammattaaq kalaallit oqaasiinik ilisimasaqarnissaq piumasaqaataavoq, malittarisassat Naalakkersuisunit ilusilersorneqartut naapertorlugin.

Imm. 4. Naalakkersuisut aalajangersaasinnaapput ilagiit kalaallit ilinniarfini palasinik ilinniartitsinermut ilinniartitseqqittarnermullu ilinniartitaanermut peqtaasimanissaq palasitut atorfinitissagaanni piumasaqaataasoq. Tamanna pillugu malittarisassanik erseqqinnerusunik Naalakkersuisut aalajangersaasinnaapput.

§ 2. § 1, imm. 1-imi piumasaqaataasunik naammassinnissimannngitsup palasitut atorfimmut qinnuteqaateqarnissaanut Naalakkersuisut immikkut ittumik akuersissuteqarsinnaapput.

§ 3. Ilinniartitaanermut tunngatillugu piumasaqaatit allat inunnik piumasaqaatinik taakkuninnga naammassinnissimasunik amigaateqartoqartillugu § 1, imm. 1, nr. 1 aamma nr. 2-mut taarsiullugit atorneqarsinnaanerannut aalajangersakkanik Naalakkersuisut aalajangersaasinnaapput.

§ 4. Kinaluunniit ilagiinni kalaallini palasitut atorfinititsinneqartoq biskoppimit soraarummeersinneqarsimassaq, palasinngortitaasimassalluni, palasitut neriorsuummik atsorsimassalluni aamma biskopip uppernarsaasigaanik palasitut sulisinnaangortitaasimassalluni.

Atorfittit allat

§ 5. Ajoqit pattattullu ilinniartitaanerannut malittarisassanik Naalakkersuisut aalajangersaasinhaapput.

Kapitali 2

Atorfinititsinerni periaassisat

Palasitut atorfinititsineq

§ 6. § 7 malillugu inassuteqartoqartinnagu ajornanngippat biskoppip, imaluunniit provtip biskoppimit piginnaatitaasup, aamma ilagiit sinnersaannut ilaasortassatut qinigaasimasut akornanni ataatsimeeqatigiittooqassaaq, tassani qinnuteqaateqartut pillugit ilisimatitsissuteqartoqassalluni. Qinnuteqarnissamut killiliussap naanerata kingornatigut sapinngisamik piaartumik ataatsimiinnissaq biskoppimit ullussalerneqassaaq, biskoppimillu provtimilluunniit aqunneqassalluni. Ilagiit sinnersaasa kissaateqarnerisigut imaluunniit biskopip kissaatiginartippagu biskopip ilagiillu sinnersaannut ilaasortat akornanni ilisimatitsissuteqarniarluni ataatsimeeqittooqassaaq.

Imm. 2. Imm. 1-imi ilisimatitsissuteqarniarluni ataatsimiinnissamut piffissaliussatigut killiliussanut periaassisannullu malittarisassat Naalakkersuisut aalajangersassavaat.

§ 7. Palaseqarfimmi ilagiit sinnersaannut ilaasortatut qinigaasimasut palasitut atorfintti inuttaqanngitsuni atorfinititsinissat pillugit inassuteqaateqassapput. Inassuteqaateqarneq ataatsimeeqatigiinnermi ajornanngippat pissaaq.

Imm. 2. Inassuteqaateqarniarluni ataatsimiinnermi imm. 1-imi taaneqartumut piffissaliussatigut killiliussat suleriaasisallu pillugit malittarisassanik Naalakkersuisut aalajangersaassapput.

§ 8. Qinnuteqaateqartoq ilagiit sinnisaannut ilaasortat inassuteqaataanni ilaangitsoq Naalakkersuisut atorfinitissinnaanngilaat. Qinnuteqaateqartoq inassuteqaateqarniarluni ataatsimiinnermi taasinermi siullermi taasisunit tamanit toqqarneqartoq atorfimmut invertinneqassaaq. Immikkut ittunik pissutissaqarsimappat atorfik inuttassarsiuteqqinnejassasoq nutaamillu inassuteqaateqartoqaaqqissasoq Naalakkersuisut aalajangiisinhaapput.

§ 9. Suliffeqarfitt inuilluunniit aalajangersimasukkuutaat ilagiit sinnisaannik pilersitsiviusimanngitsut tamakkiisumik ilaannakortumilluunniit sullineqarnissaat siunertalarugu palasitut atorfitt pilersinnejarsimasut inuttalerneqartarneranni periusissat pillugit malittarisassanik immikkut ittunik Naalakkersuisut aalajangersaasinhaapput.

Domprovstitut provstittilluunniit atorfinititsineq

§ 10. Palaseqarfimmi domprovstip provstilluunniit palasiuffigisassaani ilagiit sinnisaannut ilaasortassatut qinigaasimasut §§ 6-imi aamma 7-imi periaassisat malillugit qinnuteqaateqartut pingasut pingaarnersiorlugit tulleriaarlugit inissinneqartut pillugit sapinngisamik oqaaseqaateqartinniarneqassapput.

Imm. 2. Biskoppi qinnuteqaateqartut pingasut pingaarnersiorlugit tulleriaarlugit inissinneqartut pillugit sapinngisamik oqaaseqaateqartinniarneqassaaq. Biskoppip qinnuteqaatit ilagiit sinnisaannut ilaasortat namminerlu oqaaseqaatiminnik ilanngussivilugit Naalakkersuisunut nassiutissavai.

Imm. 3. Atorfimmut kina invertinneqassanersoq Naalakkersuisut aalajangissavaat. Qinnuteqaateqartumik biskoppip oqaaseqaataanut ilaangitsumik biskoppi oqaaseqaateqartaeqqaarnagu

atorfinititsisoqassanngilaq.

Imm. 4. Imm. 1-im iamma 2-mi oqaaseqaataasussanut taaneqartunut piffissatigut killiliussanut suleriaasissanullu malittarisassanik aalajangersaassapput.

Atorfinni allani atorfinititsineq

§ 11. Provtip ilagiit sinniisaannut ilaasortanik tusarniaareerneratigut ajoqinik pattattunillu atorfinititsisoqartarlunilu soraarsitsisoqartassaaq.

Imm. 2. Provsteqarfimmi ataatsimiitaliaq malittarisassat Naalakkersuisunit suliarineqartut malillugit oqaluffinni pisariaqartinneqartumik ikiortissaqartitsisoqarnissaanut akisussaavoq.

§ 12. Provsttit allaffini atorfitt pilersinneqartarnerat atorunnaarsinneqartarnerallu pillugit Naalakkersuisut aalajangiisassapput. Provsti atorfinnut taakkununnga atorfinititsisassaaq soraarsitsisassallunilu.

Kapitali 3

Atuutilersitsineq, atuukkunnaarsitsineq ikaarsaariarfllu pillugit aalajangersakkat

§ 13. Inatsisartut peqqussutaat 1. december 1998 aaallarnerfigalugu atortuulersinneqarpoq.

Imm. 2. Tamatumunnga peqatigitillugu makku atorunnaarsinneqarput:

1) Kalaallit Nunaanni ilageeqarneq pillugu Inatsisartut peqqussutaanni nr. 2-mi 30. marts 1982-imeersumi §§ 4, 38 aamma 40.

2) Ilageeqarneq pillugu Inatsisartut peqqussutaanni nr. 15-im 28. oktober 1993-imeersumi §§ 20 aamma 30.

3) Palasissaaleqineq aaqqiiviginiarlugu Inatsisartut peqqussutaanni nr. 2-mi 6. juni 1997-imeersumi § 1.

Imm. 3. Kalaallit Nunaanni ilageeqarneq pillugu Inatsisartut peqqussutaanni nr. 2-mi 30. marts 1982-imeersumi §§ 4, 38 kiisalu 40 aamma Palasissaaleqineq aaqqiiviginiarlugu Inatsisartut peqqussutaati manna tunngavigalugu malittarisassat malillugit aalajangersarneqartut Inatsisartut peqqussutaat taarserneqarnissamilluuniit tungaanut atuutiinnassapput.

Namminersornerullutik Oqartussat, ulloq 30. oktober 1998

Jonathan Motzfeldt

/

Konrad Steenholdt

Namminersorlutik Oqartussat

Imaneq 4

3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut